


Grunnskólinn í Stykkishólmi
Handbók fyrir nýbúa
2017-2018



Efnisyfirlit

Grunnskólinn í Stykkishólmi	4
Heimilisfang, símanúmer og netföng	4
Skrifstofa skólans	4
Almennt um starfsemina í Grunnskólanum í Stykkishólmi	4
Útikennsla	4
Stundaskrá	4
Íþrótt- og sundkennsla	5
Danskennsla	5
Námsmat	5
Reglur um fjarvistir nemenda í 5.–10. bekk	5
Skólareglur	6
Um leyfi frá skóla	6
Félagsstarf nemenda	6
Ferð í Búðardal	7
Menningarferð	7
Skíðaferð	7
Skólabúðir	7
Danmerkurferð	7
Litlu jólin	7
Myndatökur	7
Samstarf heimila og skóla	8
Foreldrafélag	8
Félags- og skólaþjónusta Snæfellinga	8
Sálfræðiþjónusta	8
Talmeinafræðingur	8
Eineltisteymi	8
Heilsugæsla	8
Einelti	9
Frímínútur	9

Morgungæsla.....	9
Óveður.....	9
Rýmingaráætlun.....	9
Brunaæfing.....	9
Mötuneyti.....	9
Nesti.....	9
Heilsdagsskóli.....	10
Námfús.....	10

Grunnskólinn í Stykkishólmi

Heimilisfang, símanúmer og netföng	<p>Grunnskólinn í Stykkishólmi Borgarbraut 6, 340 Stykkishólmur Sími: 433 8177</p> <p>Berglind Axelsdóttir, skólastjóri. Beinn sími 433 8178, netfang: berglind@stykk.is</p> <p>Lilja Írena Guðnadóttir, deildastjóri. Beinn sími 433 8179, netfang: ljajarena@stykk.is</p> <p>Sesselja Kristinsdóttir, verkefnastjóri sérkennslu. Beinn sími 433 8187, netfang: sella@stykk.is</p> <p>Ípróttahús: 433 8150 Heilsdagsskóli: 433 8185 Veffang skólans er: http://www.stykkisholmur.is/grunnskolin/</p>
Skrifstofa skólans	<p>Skrifstofa skólans er opin virka daga frá kl. 7.45 til 15.00</p> <p>Á skrifstofu Grunnskólans í Stykkishólmi er Guðmunda Ragnarsdóttir ritari. Hún tekur á móti veikindatilkynningum og öðrum erindum og kemur þeim áleiðis.</p> <p>Einnig er hægt að senda erindi á netfang skólans: grunnskoli@stykk.is</p>
Almennt um starfsemina í Grunnskólanum í Stykkishólmi	<p>Grunnskólinn í Stykkishólmi er heildstæður grunnskóli fyrir nemendur í 1.-10. bekk.</p> <p>Skólaárinu er skipt í tvær annir og fá nemendur vitnisburð í lok hvernar annar.</p> <p>Mikilvægt er að foreldrar/forráðamenn kynni sér skóladagatal, sem má nálgast á vef skólans, og hugi að annarskilum, námsmatsdögum, foreldraviðtölum, starfsdögum og öðrum atburðum.</p>
Útikennsla	<p>Skólinn hefur aðgang að góðri útikennslustofu í skógræktinni við Grensás. Nokkrum sinnum á vetri fara kennarar með nemendur í skógræktina og svæðið er einnig nýtt á útivistardögum skólans</p>
Stundaskrá	<p>Kennslustundafjöldi nemenda miðað við heilt skólaár er 30 stundir í 1. – 4. bekk, 35 stundir hjá nemendum í 5. – 7. bekk og 37 stundir hjá 8. – 10. bekk.</p> <p>Skólahúsið er opnað kl. 7:45 á morgnana og kennsla hefst alla daga kl. 8:05. Kennslustundir eru 40 mínútur og eru fyrstu fjórar kennslustundirnar jafnan kenndar í tveimur 80 mínútna lotum með 15 mínútna frímínútum á milli.</p> <p>1. – 4. bekkur taka síðan aðra 80 mínútna lotu eftir frímínútur kl. 11:10 og ljúka sínum skóladegi kl 12:30</p> <p>Hádegishlé hjá 5. – 10. bekk er eftir 5. kennslutund kl. 11:50.</p>

<p>Íþróttta- og sundkennsla</p>	<p>Jákvæð hreyfing eykur þol, kraft og almenna vellíðan. Hreyfingarskortur er einn helsti menningarsjúkdómur nútímans. Í skólanum fá nemendur í 1. – 6. bekk tvo sundtíma í viku og nemendur í 7. – 10. bekk einn. Allir nemendur fá tvo íþróttatíma í viku.</p> <p>Ef nemandi getur ekki farið í sund/íþróttir skal tilkynna það til skólaritara.</p> <p><i>Blæðingar og þjálfun:</i> Það er engin ástæða til að sleppa þjálfun vegna blæðinga ef einkenni eru ekki þeim mun verri. Stúlkurnar geta fengið að fara fyrr úr tíma ef þeim finnst það betra. Líkamspjálfun getur haft jákvæð áhrif á líðan stúlkna þegar blæðingar standa yfir. Stúlkur á blæðingum geta fengið frí frá sundi ef foreldrar óska eftir því. Foreldrar skulu þá tilkynna það til skólaritara.</p>
<p>Danskennsla</p>	<p>Danskennsla er árlega í 1. – 6. bekk. Í vetur hafa nemendur 7. – 10. bekkjar val um að mæta í danstíma. Danskennarar frá Dansskóla Jóns Péturs og Köru hafa sinnt kennslunni og hefur danslotu hvers árs lokið með danssýningu nemenda.</p> <p>Kennslan fer fram í 1/3 hluta íþróttasalarins. Hópaskipting er auglýst eftir fyrstu heimsókn danskennara.</p>
<p>Námsmat</p>	<p>Námsmat er birt nemendum og foreldrum í lok hverrar annar.</p> <p>Talsverðar breytingar eru framundan í námsmati með tilkomu nýrrar Aðalnámskrár grunnskóla og verður unnið að endurskoðun námsmats í samræmi við fyrirmæli hennar í vetur.</p>
<p>Reglur um fjarvistir nemenda í 5.–10. bekk</p>	<p>Hver nemandi byrjar hverja önn með einkunnina 10,0 fyrir ástundun.</p> <p>Við hverja óheimila fjarvist eru 0,4 dregnir frá einkunninni.</p> <p>Í hvert sinn sem nemandi mætir of seint dragast 0,2 frá.</p> <p>Sé nemandi vísað úr tíma eru 0,6 dregnir frá einkunninni.</p> <p>Sé mætingum ábótavant, nemandi óstundvís eða skrópar, verður gripið til aðgerða sem hér segir: Strax og einkunn fyrir ástundun fer niður fyrir 9,0 er foreldrum sent bréf og síðan aftur ef einkunn fer niður fyrir 7,0. Fari einkunn niður fyrir 6,0 eru foreldrar boðaðir á fund umsjónarkennara. Ef einkunn í ástundun fer niður fyrir 5,0 eru foreldrar boðaðir á fund umsjónarkennara og skólastjóra. Beri þessar aðgerðir ekki tilætlaðan árangur er ástundun nemandans lögð fyrir nemendaverndarráð þar sem ákvörðun er tekin um framhald.</p> <p>Góð skólasókn er nemandanum afar mikilvæg ef námið á að skila þeim árangri sem stefnt er að. Þessar reglur eru til þess gerðar að auðvelda nemendum, foreldrum og kennurum að halda utan um mætingu nemenda og hvetja þá til að vanrækja ekki þennan þátt skólustarfsins.</p>

<p>Skólareglur</p>	<p>Almennt gildir sú regla að við komum fram við aðra eins og við viljum að aðrir komi fram við okkur.</p> <p>1. Hegðun og ástundun: Nemendur og fullorðnir sýna hverjir öðrum virðingu, kurteisi og tillitssemi. Nemendur hlýði fyrir mælum starfsmanna skólans. Nemendur skulu stunda nám sitt samviskusamlega og virða rétt annarra til að hafa góðan vinnufrið í bekknum.</p> <p>2. Stundvísi: Nemendum ber að mæta stundvíslega í allar kennslustundir. Forföll nemenda þarf að tilkynna strax að morgni. Hringt er heim til nemenda ef forföll eru ekki tilkynnt. Tilkynna þarf daglega um veikindi nemenda.</p> <p>3. Umgengni: Nemendur fara úr útiskóm, útifötum og taka af sér húfur áður en farið er í kennslustund. Þeir ganga vel og snyrtilega um húsnæði skólans og eiga hans (bækur, kennsluáhöld og húsgögn).</p> <p>4. Námshöfn o.fl. Nemendur hafa með sér þau gögn sem til þarf í skólann, svo sem bækur, ritföng, nesti og íþróttar-/sundföt. Nemendur bera ábyrgð á þeim námsbókum sem skólinn lána þeim.</p> <p>5. Hjól: Notkun reiðhjóla, hlaupahjóla, línuskauta og hjólabretta er bönnuð á skólalóðinni á skólatíma.</p> <p>6. Skólalóð: Nemendum er óheimilt að fara út af skólalóð á skólatíma. Nemendum í 7. bekk og eldri er heimilt að fá undanþágu frá þessari reglu með leyfi.</p> <p>7. Verðmæti: Nemendur komi ekki með peninga í skólann að óþörfu og skilji verðmæti ekki eftir í fötum sínum á göngum eða í búningaklefum. Skólinn tekur ekki ábyrgð á persónulegum munum nemenda eða fjármunum.</p> <p>8. Nesti: Nemendur eiga að koma með hollt og gott nesti. Óheimilt er að vera með gosdrykki og sælgæti í skólanum nema við sérstök tilefni.</p>
<p>Um leyfi frá skóla</p>	<p>Óski nemandi eftir leyfi frá skóla lengur en í tvo daga þurfa foreldrar nemandans að hafa samband við skólastjóra eða aðstoðarskólastjóra. Umsjónarkennari og ritari geta veitt leyfi til skemmri tíma.</p> <p>Vinsamlegast athugið að öll röskun á námi nemandans sem hlýst af umbeðnu leyfi er á ábyrgð foreldra eða forráðamanna. Foreldrar skulu þá sjá til þess að nemandinn vinni upp það sem hann kann að missa úr námi meðan á undanþágu stendur.</p>
<p>Félagsstarf nemenda</p>	<p>Markmið félagsstarfs er að auka félagsfærni nemenda og efla samkennd.</p> <p>Félagsstarf nemenda í 7.–10. bekk Grunnskólans í Stykkishólmi er skipulagt af nemendaráði og íþróttaráði sem er lýðræðislega kosið. Hver bekkur kys einn fulltrúa til setu í hvort ráð. Formenn beggja ráða eru kosnir á sal.</p> <p>Einn stærsti viðburður vetrarins er árshátíð nemenda. Yngri nemendur halda hefðbundna árshátíð þar sem hver bekkur undirbýr atriði fyrir áhorfendur.</p> <p>Nemendur í 7.-10. bekk halda hátíðlega árshátíð með hátíðarmat og skemmtiatriðum. Ball er fyrir alla nemendur skólans, í aldursskiptum hópum.</p>

Ferð í Búðardal	Í 3. bekk er farin dagsferð inn í Búðardal þar sem Mjólkurstöðin er skoðuð. Einnig eru Eiríksstaðir í Haukadal og Erpstaðir heimsóttir.
Menningarferð	Menningarferð er farin með nemendum í 5. bekk . Nemendur fara til Reykjavíkur, gista eina nótt, skoða söfn, fara í leikhús/bíó og gera ýmislegt fleira sér til skemmtunar.
Skíðaferð	Nemendur í 7. bekk hafa árlega farið í þriggja daga skíðaferð. Undanfarin ár höfum við farið til Dalvíkur en þar er mjög góð aðstaða fyrir slíkar ferðir.
Skólabúðir	Áralöng hefð er fyrir því að nemendur í 8. bekk skólans fari í skólabúðir að Laugum í Sælingsdal og dvelji þar í eina viku. Markmið með dvölinni er meðal annars að efla samstöðu og samvinnu milli nemenda, auka félagslega færni þeirra og gefa þeim tækifæri til að fást við ný viðfangsefni. Viðfangsefnin í skólabúðunum eru fjölbreytt, m.a. er mikið um íþróttir og útiveru. Ferðirnar hafa stuðlað að betri samvinnu og samkennd meðal nemenda og þeir hafa kynnst á annan hátt og í öðru umhverfi en venjulega.
Danmerkurferð	Mikið og öflugt samstarf hefur lengi verið á milli Grunnskólans í Stykkishólmi og grunnskólanna í Kolding , vinabæ okkar í Danmörku. Hefur sú hefð haldist, svo til undantekningarlaust, frá 1995 að nemendaheimsóknir hafa verið á báða bóga. Nemendur okkar hafa tekið á móti nemendum frá Kolding, sýnt þeim bæinn og unnið ýmis verkefni með þeim, og hafa svo á móti farið til þeirra til Kolding. Ferðin er yfirleitt farin í upphafi 10. bekkjar. Kleinusala 9. bekkjar er stærsti fjárflyunarliðurinn til að fjármagna þessa ferð.
Litlu jólin	Síðasta skóladag fyrir jólaleyfi koma nemendur í betri fötum og eiga notalega stund saman. Í upphafi stundarinnar syngja allir nemendur nokkur jólalög saman og fara svo með umsjónarkennara sínum í stofu og halda litlu jól. Lesin er jólasaga og hefð er fyrir því að skiptast á litlum jólapökkum. Kemur hver nemandi þá með einn pakka til að setja í púkkið og draga annan í staðinn.
Myndatökur	Annað hvert ár eru teknar myndir af öllum bekkjum skólans. Nemendum býðst að kaupa þessar ljósmyndir en auk þess er eintak varðveitt í skólanum.

<p>Samstarf heimila og skóla</p>	<p>Gott samstarf skólans og foreldra nemenda er mikilvægt í skólastarfinu enda er það áréttað bæði í lögum um grunnskóla og í Aðalnámskrá.</p> <p>Samstarf heimila og skóla er á mörgum sviðum, s.s. samskipti og upplýsingamiðlun, heimanám og ástundun, uppeldi, hegðun og skólasókn.</p> <p>Skólinn vill veita foreldrum greinagóðar upplýsingar um skólastarfið og hefur lagt sig fram um að auka upplýsingamiðlun frá skóla til foreldra. Þar má nefna t.d. „Föstudagspunkta“ skólastjóra og aukna notkun kennara á upplýsingakerfinu Mentor</p> <p>Nauðsynlegt er að foreldrar þekki og styðji við faglegar áherslur skólans og treysti starfsfólki hans til að framfylgja þeim.</p> <p>Af skólans hálfu eru skipulagðir foreldrafundir og foreldraviðtöl þrisvar á ári í upphafi hverrar annar. Foreldrar eru ætíð velkomnir í skólann á starfstíma hans og eru hvattir til að nýta sér það og viðtalstíma starfsfólks.</p>
<p>Foreldrafélag</p>	<p>Við skólann starfar foreldrafélag. Skipulag þess er með þeim hætti að foreldrar hvers bekkjar mynda deild í félaginu. Deildirnar kjósa sér stjórnir á hverju ári og mynda fulltrúar þeirra sameiginlega stjórn foreldrafélagsins sem svo fundar mánaðarlega á starfstíma skóla.</p> <p>Á vef skólans má sjá hverjir skipa stjórn foreldrafélagsins en hún er jafnan kosin á foreldrafundum í september. Þar er einnig að finna lög félagsins og fundargerðir.</p>
<p>Félags- og skólaþjónusta Snæfellinga</p>	<p>Félags- og skólaþjónusta Snæfellinga (FSSF) annast sérfræðiþjónustu við Grunnskólann í Stykkishólmi. Forstöðumaður er Sveinn Þór Elínbergsson.</p> <p>Félags- og skólaþjónustan er með vef þar sem hægt er að nálgast frekari upplýsingar um starfseminu. Slóðin á vefinn er: http://www.fssf.is/</p>
<p>Sálfræðiþjónusta</p>	<p>Sálfræðiþjónusta skólans er rekin af Félags- og skólaþjónustunni. Sálfræðingur skólans er Inga Stefánsdóttir. Kennarar og/eða foreldrar geta leitað eftir aðstoð sálfræðings. Skilyrði fyrir því að sálfræðingur taki mál til úrlausnar er að foreldri veiti samþykki sitt á sérstöku tilvísunareyðublaði. Tilvísunareyðublaðið er hægt að fá hjá skólastjórnendum, verkefnisstjóra sérkennslu og skólasálfræðingi. Inga kemur hálfmánaðarlega til okkar.</p>
<p>Talmeinafræðingur</p>	<p>Talmeinafræðingur skólans er Elmar Þórðarson og er þjónusta hennar rekin af Félags- og skólaþjónustunni. Hann kemur til okkar annan hvern mánuð.</p>
<p>Eineltisteymi</p>	<p>Hlutverk eineltisteymis er að meta umfang eineltis, stuðla að fyrirbyggjandi aðgerðum og vera ráðgefandi eða beinir þátttakendur í vinnu gegn einelti.</p> <p>Eineltisteymi fylgist með, safnar upplýsingum, er ráðgefandi eða tekur að sér mál sem vísað er til þess. Unnið er eftir ferli eineltisáætlunar. Tengsla- og samskiptakannanir eru lagðar fyrir eftir beiðni umsjónarkennara. Farið er yfir niðurstöður á fundi eineltisteymis.</p>
<p>Heilsugæsla</p>	<p>Hjúkrunarfræðingur fylgist með andlegum og líkamlegum þroska nemenda, heilsufari, klæðnaði, hreinlæti og aðbúnaði í skóla. Hjúkrunarfræðingur er í samvinnu við foreldra, skólalækni, kennara og annað starfsfólk skólans. Góðar upplýsingar um barnið eru mikils virði fyrir þá sem annast kennslu þess og heilbrigðisefirlit. Má þar nefna ef um langvinna sjúkdóma er að ræða, lyfjanotkun eða breytingar á högum barnsins. Farið er með allar upplýsingar um barnið sem trúnaðarmál.</p> <p>Heilsugæsla skólans heyrir undir Heilbrigðisstofnun Vesturlands. Hjúkrunarfræðingur skólans er Brynja Reynisdóttir.</p>

Einelti	<p>Grunnskólinn í Stykkishólmi tók þátt í Olweusaráætluninni gegn einelti fyrir fáeinum árum. Út frá því starfi var unnin eineltisáætlun sem starfað hefur verið eftir síðan.</p> <p>Eineltisteymi fundar reglulega en allt starfsfólk grunnskólans er samábyrgt fyrir því að koma í veg fyrir að einelti þrífist í skólanum.</p> <p>Umfang eineltis er kannað reglulega með nafnlausum spurningakönnunum ásamt því að upplýsinga er aflað í gegnum nemendaviðtöl og aðrar ábendingar.</p>
Frímínútur	<p>Nemendur í 1. – 4. bekk fara út á skólalóð en nemendur í 5. – 10. bekk geta valið hvort þeir eru úti á skólalóðinni eða inni í skóla.</p> <p>Ekki er ætlast til að nemendur fari út af skólalóðinni í frímínútum enda eru þeir þá ekki lengur á ábyrgð skólans.</p> <p>Skólinn leitast við að halda úti góðri gæslu í frímínútum. Hlutverk starfsmanna er að vera börnunum til halds og trausts og leitast við að koma í veg fyrir árekstra. Ásamt skólaliðum og stuðningsfulltrúum skiptast nemendur í 9. – 10. bekk á um að vera skólavinir í frímínútum. Þeir aðstoða við gæslu og virkja yngri nemendur í leikjum.</p>
Morgungæsla	<p>Grunnskólinn í Stykkishólmi er opinn frá kl. 7:45 á morgnana. Skólaliðar eru á staðnum og hafa auga með nemendum áður en skólastarf hefst.</p>
Óveður	<p>Þegar veður er vont verða foreldrar að meta hvort þeir senda börn sín í skólann. Ef skólastarf er fellt niður vegna veðurs er það tilkynnt í útvarpi eins fljótt og kostur er. Ef óveður brestur á meðan nemendur eru í skólanum eiga þeir athvarf í skólanum þar til þeir eru sóttir.</p>
Rýmingaráætlun Brunaæfing	<p>Við upphaf hvers skólaárs fá starfsmenn og nemendur skólans kynningu á rýmingaráætlun skólans og að henni lokinni er verkleg æfing. Á henni er nemendum og starfsfólki gert að rýma skólann eftir ákveðnum flóttaleiðum og koma saman á „söfnunarstað“ sem er áhorfendapallar íþróttahúss. Samstarf er við slökkvilið Stykkishólms við þær æfingar.</p>
Mötuneyti	<p>Hádegismatur er í mötuneyti mánudaga til fimmtudaga. Á föstudögum lýkur kennslu fyrir kl. 13:00 og þá daga er mötuneytið aðeins opið nemendum í heilsdagsskóla. Aðrir nemendur hafi með sér nesti á föstudögum.</p> <p>Nemendur matast í tveimur hópum, 5. – 10. bekkjar eiga matartíma kl. 11:50-12:20 og nemendur 1. – 4. bekkjar kl. 12:30-13:00.</p> <p>Maturinn er seldur í áskrift einn mánuð í senn. Ekki er hægt að segja áskrift upp innan áskriftartímabils. Mataráskrift framlengist sjálfkrafa nema henni sé sagt upp fyrir 20. hvers mánaðar.</p> <p>Aðeins er hægt að skrá nemendur í mat alla dagana og ekki verður endurgreitt vegna fjarvista eða veikinda nema þau vari samfelt í viku eða lengur. Innheimt verður fyrirfram fyrir mánuð í senn. Matseðill eina viku fram í tímann verður birtur á heimasíðu skólans.</p>
Nesti	<p>Skólinn mælir með að foreldrar láti börn sín hafa hollt og gott nesti, t.d. ávexti eða grænmeti. Allir nemendur hafa aðgang að mjólk og vatni þeim að kostnaðarlausu. Í samræmi við umhverfisstefnu skólans eru nemendur beðnir um að koma ekki með drykki í fernum og stilla notkun annarra einnota umbúða í hóf.</p> <p>Nemendur sem ekki kaupa mat í mötuneytinu borða nestið sitt með samnemendum sínum í matsal.</p> <p>Á föstudögum býðst nemendum í 5. – 10. bekk að kaupa skúffukökusneið í nestistíma, en það er liður í fjáröflun 9. bekkjar hverju sinni.</p>

Heilsdagsskóli	Lengd viðvera er í boði fyrir 1. – 4. bekk frá kl. 12:30 – 16:00. Matur er kl. 12:30 og síðdegishressing kl. 14:30.
Námfús	Upplýsingakerfið Námfús gerir samskipti innan skóla skilvirkari og auðveldar upplýsingagjöf og samskipti við foreldra. Kerfið eykur möguleika foreldra á að fylgjast með skólagöngu barna sinna og þátttöku þeirra í skólastarfinu. Foreldrar fá afhent lykilorð hjá umsjónarkennara á haustin og hafa m.a. aðgang að námsáætlun, stundaskrá, heimavinnuáætlun, geta fengið upplýsingar um dagbókarfærslur vegna nemenda o.fl.